



Uunga
Inatsisartunut ilaasortaq
Randi Vestergaard Evaldsen
Demokraatit

Avinneq pillugu § 37 naapertorlugu apeqqutit akineqarnerat

25-01-2019
Suliap nr. 2019 - 959
Akt. id. 9797206

Avinneq pillugu inatsit pillugu Inatsisartut suleriaasissaanni § 37 naapertorlugu apeqqut Naalakkersuisunut nassiuppat. Apeqqutit uannit akineqartussanngorlugu ingerlateqqinneqarsimavoq.

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: iian@nanoq.gl
www.naalakkersuisut.gl

Aallaqqaasiutigalugu oqaatigissavara suliassaqarfii "inuk pillugu inatsit", "ilaqutariit pillugit inatsit" aamma "eqqartuussiveqarneq pillugu inatsit" Namminersorlutik Oqartussanit tiguneqarsimannginngimmata. Taamaattumik aappariit katissimasut meeqqallu akornanni pissutsit pineqartillugit naalagaaffimmi inatsisiliortunit aalajangersaavigineqartarput. Naalagaaffiup Kalaallit Nunaanni sinniisaa sulianik taakkuninnga suliaqartarpoq.

Angajoqqaatut oqartussaassuseqarneq aamma meeqqap najugaa pillugit iltersuut nr. 9047 24. januar 2017-imeersoq Danmarkimi Børne- og Socialministeriaqarfimmit sularineqarsimavoq, angajoqqaatullu oqartussaassuseqarneq pillugu suliassat Statsforvaltningip sularisarpai. Taamaammatt tassanngaanniit ulluinnarni suliaqarnermit Kalaallit Nunaanni suliaqarnermi allaassuteqartoqarsinnaanera ilanngullugu eqqarsaatigineqassaaq, Naalagaaffiup Kalaallit Nunaanni sinniisaata angajoqqaatut oqartussaassuseqarneq pillugu suliassat sularisarmagit.

1. Meeqqap qanoq angitigisumik sunniuteqarfigisarpaa angajoqqaat avinnerisa kingorna sumi najugaqassanerluni imaluunniit angajoqqaat katissimanngikkaluarlutik avissaarsimappata?

Akissutit:

Pineqartoq angajoqqaatut akisussaaffik pillugu inatsisip Kalaallit Nunaannut atuutlernissaa pillugu kunngip peqqussutaani nr. 680 6. juni 2016-imeersumi aalajangersarneqarpoq. (Anordning nr. 680 af 6. juni 2016 om ikrafttræden for Grønland af forældreansvarsloven).

§ 34, imm. 1-imi allassimavoq "Angajoqqaatut oqartussaassuseqarneq pillugu suliaqarnermi, *meeqqap najugaa* imaluunniit najoqatigiittarneq pineqartillugit, suliaqarnermi meeraq ilanngutitinneqartassaaq, meeqqap siunissaq pillugu isummersuutai aamma isummersimasinnaanera oqaatigineqarsinnaaniassammata. Tamanna meeqqanik oqaloqatiginnikkut, meeqqat pillugit sulianik ilisimasallit

misissuinerisigut allatulluunniit meeqqap siunissaq pillugu isummersuutaanik qulaajaanikkut pisinnaavoq.

Taamaakkaluartoq § 34, imm. 2-mi aalajangersarneqarpoq "Meeqqap suliamut toqqaannartumik ilanngutitinneqarnissaanut pisussaaffik, meeqqamut ajoqutaassappat, imaluunniit suliami pissutsit tunngavigalugit meeqqap peqataanissaa pisariaqarsorineqanngippat, atuutissanngilaq."

Angajoqqaatut oqartussaassuseqarneq aamma meeqqap najugaa aamma angajoqqaat akisussaaffiat pillugit inatsimmut Børne- og Socialministeeriaqarfiup ilitsersuutaani nr. 9047 24 januar 2017-imi allassimavoq, angajoqqaat ataatsimiillutik ilitsersorneqarnermini, meeqqanik sulianut ilisimasalimmik siunnersorneqarnermini imaluunniit akerleriittoqartillugu isumaqatigiissitsiniarnermi, angajoqqaatut oqartussaassuseqarneq aamma/imaluunniit meeqqap najugassaa pillugu isumaqatigiissuteqarfigippassuk, aallaaviatigut naatsorsuutigineqartariaqarpoq angajoqqaat meeqqamut pitsaanerpaasussaq anguniarlugu isumaqatigiissimasut. Tamassumunnga pissutaavoq angajoqqaat meeqqap pitsaanerpaamik atugassaqarnissaanut naliliilluarsinnaanerpaatut isigineqartariaqarmata.

Taamaakkaluartoq ima pisoqarsinnaasarpooq, angajoqqaat paasissutissiineri tunngavigalugit isumaqatigiissut meeqqamut ajoqutaasussaanera ersarissinnaasoq. Tassunga assersuutaasinnaavoq angajoqqaajusup aappaa meeqqamut persuttaasimasooq pillugu paasissutissat pigineqaraluartut angajoqqaat aalajangertut meeraq angajoqqaami tassani najugaqassasooq. Taamatut pisoqartillugu angajoqqaat isumaqatigiissutaata kingunerisaanik kommune ilisimatinneqassaaq tamassumalu kingunerisaanik kommuni angajoqqaat isumaqatigiissutaanut tapersiingissinnaavoq.

§ 35-mi allassimavortaaq "meeraq qulileereersimasooq angajoqqaatut oqartussaassuseqarneq, *meeqqap najugaa* imaluunniit najoqatigiittarneq pillugit oqaloqatiginninnissaq siunertaralugu meeraq Naalagaaffiup Kalaallit Nunaanni sinniisaanut angajoqqaanik saaffiginneqqusisinnaavoq."

Taamaakkaluartoq angajoqqaatut akisussaaffik pillugu inatsimmi aallaaviatigut tunngaviusooq tassaavoq, meeqqamut tunngasuni pissutsini tamani meeqqap ukiui inerisimaneralu aallaavigalugit meeqqap nammineq isummersuutai isiginiarneqartassasut, tak. § 5.

2. Malittarisassat suut atuuppat angajoqqaap meeqqamut oqartussaataasup illoqarfimmut, nunaqarfimmut nunamut allamulluunniit nuussinnaaneranut?

Akissutit:

Pineqartoq angajoqqaatut akisussaaffik pillugu inatsisip Kalaallit Nunaannut atuutilernissaa pillugu kunngip peqqussutaani nr. 680 6. juni 2016-imeersumi aalajangersarneqarpoq.

(Anordning nr. 680 af 6. juni 2016 om ikrafttræden for Grønland af forældreansvarsloven).

Angajoqqaatut oqartussaassuseqarnemik tigumminnittoq meeqqap inuttut atugarisai pillugit aalajangiisnaavoq, tak. § 2, imm. 1.

Angajoqqaat angajoqqaatut ataatsimoorussamik oqartussaassuseqarpata, angajoqqaq meeqqap najugaqarfigisaa meeqqap ulluinnarni atugaanut pissutsinut pingaernerusut aalajangiisinnaavoq. Meeqqap atugai pillugit, matumani meeraq Kalaallit Nunaanni sumi najugaqassanersoq, angajoqqaat akornanni isumaqatigiittoqartariaqarpoq, soorluttaaq meeqqap nuna qimallugu, soorlu Danmarkimut Savalimmiunulluunniit nuussappat akuerissuteqartoqartariaqartoq, tak. § 3.

Meeraq angajoqqaami nunami allami, Danmarkimi Savalimmiuniluunniit, imaluunniit Kalaallit Nunaanni allami najugaqartumi imaluunniit nuukkusuttumi najugaqassanersoq eqqartuussiviup naggataatigut aalajangersinnaavaa. Taassuma saniatigut eqqartuussivik meeraq sumi najugaqassanersoq pillugu aalajangiinernik isumaqatigiissutinilluunniit allannguisinnaavoq, tak. § 17.

Angajoqqaap aappaata najukkani meeqqalluunniit najugaa nunami maani imaluunniit nunamut allamut nuukkusullugu kissaatigippagu, angajoqqaap aappaata nuunnissaq sap. ak. arfinillit sioqqullugu tamanna pillugu nalunaarfigineqassaaq, tak. § 18.

Angajoqqaap aappaanut ilimasaarutiginninnissamut pisussaaffik, angajoqqaat angajoqqaatut ataatsimoorussamik oqartussaassuseqarpata, angajoqqaq kisimiilluni oqartussaassuseqarpat, aamma angajoqqaamut angajoqqaatut oqartussaassuseqanngitsumut atuuppoq.

3. Angajoqqaat aaqqissuussineq 7-7 atortarpassuk (tassa assigiimmik anaanaminiittartillugu ataataminiittartillugulu) taava makkunannga apeqqutissaqarpunga:

a. Taava pisortanit tapiissutit qanoq agguarneqartarpat soorlu meeqqanut tapi, ineqarnermut tapi ilaalu ilanngullugit?

Akissutit:

Meeqqanut tapiissutit: Meeqqanut tapiissutit pillugit Inatsisartut inatsisaanni § 5, imm. 2-mi allassimavoq, meeraq angajoqqaamini tamani assigiimmik najugaqartarpat, inuit aqqisa allattorsimaffianni meeqqap najugaqarfiatut nalunaarsorneqarsimasumut tunniunneqartassasut.

Ineqarnermut tapiissutit: Inissiani attartortittakkani ineqarnermut tapiissutit pillugit Inatsisartut inatsisaanni § 5, imm. 1-imi allassimavoq Inissiani attartortittakkani akiliutinut tapiissutit inigisamut akiliutit annertussusaat, najugaqatigiillu tamakkiisumik isertitarisaat aammalu inissiap pissuserisaa naapertorlugit taamatullu najugaqatigiinni 18-it inorlugit ukioqartut amerlassusaat naapertorlugit aalajangersaavigineqartartut.

Inissiami aalajangersimasumik najugaqartut tamarmik inoqutigiinnut ilaasutut isigineqarput. Aalajangersimasumik najugaqarneq paasineqarpoq ima sumiiffik (inigisaq) akuttoqatigiisumik siniffigineqartartoq, feeriarneq, niuertutut angalaneq, napparsimaneq assigisaaluunniit pissutigalugit najuutinngikkaanni, aamma pigisat tassaniillutik.

Meeraq angajoqqaami sorlermi angerlarsimaffeqartutut isiginissaanut atatillugu, aallaaviatigut meeqqap najugaatut inuit nalunaarsorsimaffianni allassimasoq tunngaviusaaq.

b. Kina naggataasumik aalajangiisussaataasarpa soorlu pineqartillugit sumi atuarnissaq, nuunnissaq, sulinnigiffeqarnerup agguarnissaa ilaalu ilanngullugit?

Akissutit:

Apeqqutip 2-p akissutaanut innersuussisoqarpoq.

4. Suliamut tunngasunik allanik soqutiginaatilinnik naalakkersuisut paasissutissii-sinnaappat?

Naamik

Inussiamersumik inuulluaqqusillunga


Martha Abelsen